

17 მაისი ოჯახის სინმინდის დღეა



17 მაისი ოჯახის სინმინდისა და მშობლების პატივისცემის დღეა. ეს დღესასწაული სრულიად საქართველოს კათოლიკოს-პატრიარქის ინიციატივით 2014 წელს დაწესდა.

საქართველო ტრადიციული ქვეყანაა და როგორც სხვა ტრადიციულ ქვეყნებში, ჩვენთანაც, ოჯახის ინსტიტუტის სიძლიერეს განსაკუთრებული დატვირთვა და მნიშვნელობა აქვს; ამიტომაც საზოგადოება ყოველთვის დიდი სიხრულით აღნიშნავს მას.

12 მაისს საქართველოს მართლმადიდებელი ეკლესია და სახელმწიფო ზეიმობს ანყურის ღვთისმშობლის ხელთუქმნელი ხატით წმ. ანდრია მოციქულის საქართველოში შემობრძანებას. წელსაც, 11 მაისს, სამღვდელოებამ (გასული წლების მსგავსად) ანყურის ღვთისმშობლის ხატით გადმოკვეთა საქართველო-თურქეთის საზღვარი და დაიწყო მსვლელობა თბილისისკენ. 17 მაისს ანყურის ღვთისმშობლის ხატი შემობრძანდა დედაქალაქში. ქაშვეთის წმინდა გიორგის ტაძარში შეკრებილ მრევლთან და სამღვდელოებასთან ერთად საქართველოს საპატრიარქო ტახტის მოსაყდრემ, სენაკისა და ჩხოროწყუს მიტროპოლიტმა შიომ (მუჯირი) გადაიხადა პარაკლისი, რომლის დასრულების შემდეგ მოეწყო მსვლელობა სიონის ტაძრისკენ.

მსვლელობის მონაწილეები საპატრიარქო რეზიდენციიდან დალოცა სრულიად საქართველოს კათოლიკოს-პატრიარქმა ილია II-მ.

სიონის საკათედრო ტაძარში გამობრძანებული იყო უდიდესი სინმინდეები: დიდმოწამე გიორგის წმინდა ნაწილი და ღირსი დავით გარეჯელის „მადლის ქვა“ და მრევლს ჰქონდა საშუალება მოელოცა ისინი და სხვა სინმინდეები.

დღევანდელ დღეს შესრულებული პარაკლისი და ლოცვითი მსვლელობა მიეძღვნა ერთი მხრივ, ოჯახის დღეს, ხოლო, მეორე მხრივ, – მშვიდობას როგორც საქართველოში, ისე უკრაინასა და მთელ მსოფლიოში.

აღსანიშნავია, რომ სიონის საკათედრო ტაძრის ეზოში მოეწყო ბავშვების მიერ შესრულებული ნამუშევრების გამოფენა, რომელიც მიეძღვნა ოჯახისა და მშვიდობის თემებს.

ოჯახის სინმინდისა და სიმტკიცის დაცვა როგორც ქრისტიანების, ისე სხვა საწრმუნოების მიმდევართათვის მეტად მნიშვნელოვანია. პანდემიის გამო ეს დღე გასულ წლებში მასშტაბურად არ აღინიშნებოდა. წელს კი ტრადიცია აღდგა და მსვლელობა მრავალრიცხოვან მრევლთან ერთად ჩატარდა.

გილოცავთ ოჯახის სინმინდისა და სიმტკიცის დღეს!

ინებოს ღმერთმა და დედა ღვთისმშობელმა, რომ მშვიდობამ დაისადგუროს მსოფლიოში!





17 მაისი
ოჯახის
სიწმინდის
დაცვის დღე

































patriarchate.ge